

佛說灌頂一百結神王護身呪經卷第四
恭

東晉西域三藏帛尸梨蜜多羅譯
聞如是一時佛在羅閱祇國大精舍中。有千
二百五十弟子各住餘室。佛獨一房自思念
言我涅槃後四部弟子持戒不具多所毀犯
造作非法不行十善我法既滅末世之中鬼

魔亂起行諸邪惡燒惱人民又有毒龍吐毒
害人我當云何而辟除之作是念已默然而
住於是天帝知佛所念從座而起如人屈伸
臂頃來至佛所稽首佛足作禮畢已長跪以
手前請佛言唯願世尊愍濟衆生爲說無上
灌頂章句大神王名字護萬姓故使得安隱
離諸危厄度於邪惡使諸魔鬼不得作害結
願神名常在左右爲人防惡使毒不行所請
如是唯願演之

佛告天帝釋。善哉。善哉。諦聽諦受。吾今爲汝而演說之。令諸世間一切衆生有受三自歸者。盡帶持此百大神王名以護人身辟除邪。

惡使萬毒不行百姓安寧若干億神恒沙數鬼皆不得留住帶神名者身中若有鬼神在其身中不去者四天王當遣使者持金剛杖碎頭作七分

天帝釋白佛言世尊所稱譽者其法微妙唯願演說化於未聞佛語天帝此灌頂章句結

願呢經甚深微妙不可妄說諸佛世尊不妄宣授度與人也今我出世值於五惡我若不說此結願呢經者諸弊小鬼牙來燒人覓人飲食求人長短我今爲汝及一切人而演說之佛語天帝釋言有百神王今在須弥山頂上居止我以威神召其使來面勑神王以護汝等令不遭橫結縷呼其名字是諸神王常當在汝左右爲汝作護天帝釋言其名何等佛言第一神名伊利寐提字德無礙

神名波羅那頭字遊安寧

神名無和遮婁字歸正化

神名薩多伎羅字救脫厄
神名嘻摩和頭字暉光
神名夫婁脣俱字宣言教
神名阿羅或駒字開達明

神名那羅那移字隨順彼

是九神王當以威神爲某作護辟除凶惡無

卷一 灌頂四

諸惱患他餘鬼神不得其便遠百由旬無相
燒害帶持結願神王名字外諸惡魔無不除

却獲善利安令得吉祥

第二神名摩醯首羅字威靈帝

神名摩尼跋陀字威伏行

神名富那跋陀字集至誠

神名金毗羅陀字威如王

神名質多斯那字和敬上

神名賓頭盧伽字立不動

神名車鉢羅婆字忍德脫

是七神王當以己之威力共擁護某除不吉
祥鳥鳴惡夢野獸變恠因襄燒人者不得害

某帶持結願神名字故獲福如是

第三神名曇摩跋羅字學帝王

神名摩竭波羅字除曲心

神名繡利密多字有功勲

神名勒那翅耆字調和平

神名劔摩舍帝字伏衆根

神名耆羅密帝字獨處快
神名醯摩跋陁字應念至

是七神王當以威神之力爲其作護若入江
海湖池溪谷水中雜毒蛟龍之屬懷惡心者
風波起時以其帶持結願神名自然安隱過

度厄難所到安寧吉祥度岸

灌頂四

第四神名薩多琦梨字大力

神名波利羅睺字勇猛進

神名毗摩質多字嚮高遠

神名暎摩黎子字英雄德

神名阿波黎子字威武盛

神名法羅騫陀字吼如雷

神名鳩羅檀提字戰無敵

是七神王當以威德在所作護若入異道聚會之中飲食有毒蟲道所中食其飲食自然消化毒爲不行帶持結願神王力故現世獲福其報如是

第五神名和耆羅桓字堅不動

神名摩尼鉢羅字演暢音

神名阿波提羅字喜無懼

神名曇無和羅字赫嚴飾

神名訥陁尸吁字堅住行

神名劔摩和羅字清淨明

神名摩呵闍羅字越諸難

是七神王當以威神爲其作護若有怨家以
毒惡心妬賢嫉能或爭財寶已爲怨恨鬭諍
不已是七神王即以威力解除二家使其和
解俱生善心惡意悉滅帶持結願神王名字

現報如是

第六神名闍那阿梨字善威光

神名者羅斯釋字事業得
神名勒迦設婁字除煩惱
神名遮摩多黎字補天位

神名羅摩奴遮字開正路
神名臘迦婁遮字力堅固
神名呵黎擡曠字離諸趣

是七神王當以威神佐助左右治生賣買常
獲倍利不與怨家盜賊惡伴之所牽引所在
遊行見者悉喜和悅相向無瞋惱色帶持結
縷神王名故現報如是

第七神名鴛那擡遮字除怖懼
神名惟舍羅遮字超出難

卷四

神名蠅迦陀羅字覆天地
神名遮羅絡迦字自無畏
神名醫頭黎迦字德如山
神名那維師尼字思無畏
神名陀優陀羅字住無畏
是七神王當以威神爲某作護辟除縣官危

厄之難若合死事鞭撻便除枷鎖杻械杖楚
之罰罵辱唾嘆即便除解以其帶持神名力
故現報如是

第八神名富阿陀羅字勝幡懸
神名沙羅和難字弘聖言
神名那羅訶摩字施無盡

神名醯波舍摩字將導安
神名阿抄牟羅字覺無常
神名比抄倚耶字分別解
神名至羅和移字善勸吉

是七神王當以威神主產生者不令他餘邪
惡鬼神閉其生門帶持結願神名力故到產

之日身體安定無諸痛惱兒則易生左右善
神扶祐生者帶持結縷獲福如是

第九神名抄摩如提字滿無及
神名首抄和泥字辯無喻

卷五
神名牌羅摩尼字無復疑

神名修吼摩耶字降小魔
神名提摩陁伊字解生死
神名架抄優陁字拔愛根

是七神王當以威神主五瘟山海之中諸小
弊龍各吐惡毒五色之氣侵陵萬民彼輒頭
痛身體寒熱或時致死以其帶持結願力故

惡龍攝毒不復害人帶持結縷現報如是

第十神名半那波提字精勇健

神名莎羅波提字救世者

神名沙和迦沙字離邪行

神名尼遲婁譚字滅思想

神名波羅般然字威靈祇

神名嘻蘭蓋者字如江海

神名金羅伊頭字不畏兵

是七神王當以威神主逐詐稱浮游惡神名

藉未定者天上不攝地獄不受來往世間若

在城邑聚落村里作諸變恠恐動人情愚人

惶怖爲設福食謂之爲神或言汝命屬我作

諸病痛保汝不死以其帶持結縷神名此諸
惡鬼不復燒近索人飲食帶持結願福德力
故現報如是

第十一神名脂難雷耶字通達顯

神名捐摩質婁字堅正幢

神名倪和無訶字至天祇

神名懼頭摩醯字最上勝

神名差陁離遮字久建行

神名難頭譚難字吉安寧

神名嘻遲嘻遲字勢力強

是七神王當以威神主治蜚屈客氣之鬼復
連注鬼或有魅鬼來入人身使意聊亂湯藥

針灸悉不得治呪術不行者此鬼流轉在人
百節五脉之中使人惶惑諸治不差者以其
帶持結願神名此諸注鬼不能爲害結願福
德現報如是

第十二神名阿波梨移字惠無窮

神名較抵細耶字斷諸結

卷四

灌頂

神名摩梨摩羅字作正臣
神名阿泥梨移字積射施
神名波泥梨移字不捨願
神名阿吼羅迷字除垢穢
神名阿都摩梨字誠信篤

是七神王當以威神主入溪谷山野之中毒

蛇虺蝮諸雜毒虫象龍熊虎狼獸禽種種
恐畏噉人血肉者以其帶持結願神名常隨
導左右爲某作護除却諸惡無衆衰惱帶持
結願現報如是

第十三神名阿迦至提字正真治

神名修波梨阿字止住安

神名訥羅卑羅字伏魔魅

神名阿呵閑羅字教令從
神名卑羅摩訥字朗赤照

神名師羅摩提字嚴整住
神名咤饑梨尼字立安明

是七神王當以威神主治逆賊侵陵境土

奪人財寶偷竊爲意恒生惡念不絕以貪求
故壞王國土村營市里更相燒害以其帶持
結願神名十方怨賊劫盜等侶自然消散不
能爲亂以其帶持結願經故現報如是

第十四神名尺陁槃尼字殊勝波

神名尼波散尼字深寂滅

神名摩訥曼那字辭章句

神名兔陁槃那字曉了度

神名漚那提陁字吉定安

神名漚那提陁字虛空住

神名脢弥提睂字法呪術

是七神王當以威神護國土中有雜毒之氣

以擊人身被輒寒熱起諸胞腫或乃徹骨至
潰之日濃血臭爛不可得近唾呪不行或時
致死末世之中生此毒害以其帶持結願經
故雜氣之毒不害其身辟除萬惡魔邪敢當
帶持結願現報如是

佛告天帝釋若男子女人爲邪鬼所得便者

當洗手漱口清淨正心敬禮諸佛三寶應燒
名香膠香婆香安息香等香汁泥地縱廣七
尺散五色華然十方燈以五色之縷各七條
長七尺而左索之存百神王名字亦並結之
若人受者當長跋^題手專心三寶莫念東西
南北之事亦復莫念家室之事聽師所言誓

首頂受諸鬼神王當以已之威力爲男子女
人作大護助行來出入帶在身上諸鬼魔輩
聞見之者馳散亡走各自隱藏不近人也

佛告天帝釋此灌頂章句百神王不但結縷

呼其名而已若人危厄衆難所惱隨其所主
存呼憶念常在人左右不離湏臾書持名字
厭除不祥隨神擁護百恠消滅魔邪敢當無
不吉祥過度衆厄壽命延長

佛說灌頂章句百神王名字時有八菩薩從

他方來誓首佛足而問佛言說是神名餘諸
神王少有及者天中天怛薩阿竭乃說是神
名諸菩薩樂精進者行無懈怠佛般泥洹後

是諸神王當久在閻浮利內不

佛告八菩薩言我般泥洹後是諸神王當現
在世二百歲至三百歲其後不復現却後濁
亂世佛經且欲滅時諸比丘輩不復用法威
儀戒律恒相嫉妒毀滅正化至吾法沒國國
相罰於是結縷神名當復現耳佛法漸末有

卷八
灌頂四

諸少學比丘用佛威神力故誦是經典老大
比丘不欲聽聞謂諸少學諸比丘輩汝破佛
法行此邪見當墮鬼神道及地獄中當知佛
法於此漸滅

余時摩訶湏薩和菩薩憍日兜菩薩那羅達
菩薩湏深弥菩薩和林調菩薩共白佛言天
中天般泥洹去却後世時是經卷者我輩護
持使佛道久存若人未聞是經典者我當授
度諷誦宣傳持是經典

佛告阿難及天帝釋四部弟子是跋陀和於
五百菩薩人中之師當持正法舍會隨順教
莫不從歡喜心隨順心清潔心却欲心是時

五百人皆叉立佛前跋陁和菩薩白佛言
菩薩持幾事得行是神呪佛言有四事能行
是神呪一者不信餘道二者斷除愛欲三者
如法修行四者無所貪生若菩薩行是四事
乃能得行是灌頂章句結願呪經

佛告八菩薩摩訶薩若男子女人行是神呪

持諷誦讀爲他人說今世現得五百功德譬
如慈心比丘終不中毒亦不中兵火不能燒
入水不死帝王不能得其便也如是善男子
善女人輩修行是結願呪經有如是功德不
爲水火所害若龍若師子若虎狼若薜荔若
鳩洹鬼神若喜燒人者若欲殺人若奪人財

卷四

九

寶若壞人禪定設中害者使不得便

佛言如我所說無有異也唯除宿命不請耳

若人淨持齋戒行是呪經不患目痛身體無
病心意無憂終無厄難若死若近死事皆能
解脫無復惱害

若男子女人修行是神呪者爲天護敬亦復

稱譽讚歎其善龍王鬼神閻叉鬼陁羅阿湏
倫迦樓羅真陁羅摩睺勒鬼神王若人非人
等共敬愛稱揚其善爲諸佛菩薩聲聞聖衆
之所護念若命終時是八大菩薩迎其精神
往生西方自在隨意於是天尊以頌讚曰
我說灌頂章句義
辟除邪惡精魅鬼

餘他鬼神不得便

鳥獸變恠野狐鳴

若乘船行江海中

種種雜類無央數

若入異道盡毒家

以帶持故能除惡

怨家爲伏喜相向

賣買萬倍利自來

縣官死事莫憂慮

若有生產輒生男

生門有鬼化爲護

魅鬼雖燒善神佐

債主寬意不諍財

盜賊不引恐懼除
帶持結願唾即除
設生女者皆端嚴
小小危厄無不度

離諸危難無恐怖

海中弊龍吐惡氣
浮游鬼神覓人食
注連魔魅入人腹
溪谷曠野雜毒虫
他方怨賊奪人財
俗惡末世生毒腫

若有男子學誦是
假使欲歎其功德
刀箭矛戟不傷身
國王大臣喜悅向
蛇蠍含毒誠可畏
不復瞋恚吐惡氣
禁持經

佛說神呪結願經
譬如恒邊滅一沙
盜賊怨家無能害
學此神呪福如是
見彼誦者毒疾除
持此神呪福如是
十

諸天悉共頌其德
諸佛嗟歎令如願
其人道意不退轉
姿顏美艷無與等
國國相罰民荒亂
終不於中夭其命
天龍鬼神真陀羅
學誦此典德如是
師子猛虎鹿狹攫
無傷害心悉藏毒
弊惡鬼神將入魂
感其威神自然伏

耳目聰明無閼塞
言辭辯慧有殊桀
其人終不墮地獄
離餓鬼道及畜生
學誦此典人所敬
諸天四王亦如是
行此神呪福能護
天人龍鬼甄陀羅
諷誦說經爲人故
法慧之義而無盡
誦習此經開化人
飢餓荐臻懷苦窮
能誦此經化人者
持是神呪莫能中
一切悉共歌其德
十一

勇猛降伏諸魔事
其功德行不可思議
妖盡幻化及符呪
持是神呪莫能中
一切悉共歌其德
然後當來在末世

常行精進喜踊躍

受持經卷講誦誦

所在宣傳令廣知

余時世尊說此偈已告阿難言假使有人今
面見佛至心供養衣被飲食床卧之具病瘦
醫藥不如有人受持是灌頂章句結願神呪

經書詠誦讀載者竹帛爲他人說則爲具足
供養於佛時天帝釋與無央數諸天俱來各
費天華香供養散佛而白佛言吾當將護持
結願經者四天王及上諸天各費華香以供
養佛各白佛言我當擁護善男子善女人受
此經典書持誦讀爲他人說所在遊行周市

營衛令無伺求得其便者

佛告阿難我今爲汝及四衆弟子說此灌頂
章句百神王名護身結願大神呪經汝當受
持度與男子女人等輩令其諷誦宣傳吾言
示於未聞佛說如是天龍鬼神四部弟子聞
經歡喜作禮奉受

也也
集

名籍亦下才聊亂作揅理亂也或較竑上舊音角
眇別本仙可反咤覩勑上正作咤咤反
葩蒲兒漬作墮面字去聲正膠交龜鼈并滅及
矛戟居上逆音牟下怨讐上音冤棼母朗反蛇狹
狃上似音如丁俱縛反
葩黑蒼色
蕡上在麌反重也再也何反相寺
甄臻下側巾反
甄渠反或作雜
甄渠反或作雜

佛說灌頂百結神王護身呪經卷第四

卷